

դաւորէ երաշխաւոր անձին իւրոյ ըստ օրինօք, զի մեղաւորն պատրաստ լինիցի 'ի ատենի դատաւորաց 'ի ժամանակի քրէական մեղաց դատողութեան և թողցէ նմայ, և գանգատօյն պատրաստեսցի գանգատն իւր Օրինաւոր սահմանաւ և պատրաստեսցի վկայքն իւր, զի հանտատեսցի գանգատն իւր առաջի ատենի դատաւորաց, այլ եթէ մեղաւորն ոչ տացի երաշխաւոր անձի իւրոյ, մտցէ 'ի բանտ ծախիւքն գանգատօղին մինչև Օրն ելանելոյ վճիռ դատաստանի 'ի վերայ գանգատին իւրոյ:

#### Գ Լ ՈՒ Խ ՇԴ.

Քրէական մեղաւորն ոչ ոք տեղի մի դատեսցի, բայց 'ի քաղաքի որում գտցի իշխան և դատաւոր խորհրդակցօք և ատենաբան դպրիւք:

#### Գ Լ ՈՒ Խ ՇԵ.

Հնդետասան աւուր յառաջ քան զդատողութեան քրէական մեղաւորի, եթէ մեղաւորն իցէ սպանանող հարցցի 'ի նմանէ ով ոք 'ի ազգէ իւրմէ ցանկայ զի դատեսցի զինքն, և մեղաւորն ունի արձակութիւն ընտրել երկոտասան այր 'ի ազգէ իւրմէ, կամ որ ոք այլ ազգէ, բայց 'ի մերձաւոր ազգականէ, և 'ի դուանէ դատաստանի ելցէ կոչումն 'ի նոյն երկոտասան անձանց, զի